


# 雪華集

亨



番外書研

漢書門		八〇	九	類
三	函	架	冊	四

漢書		八〇	九	類
三	函	架	冊	二

和書		三八	四八一	類
一	函	架	冊	四

內閣文庫		番號	和 38481
		冊數	4 ( 2 )
		函號	207 15



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







雪華集卷之三

六言絕句

宋

恭宗

鸚鵡

毛羽自然可數仙禽不受凡籠街得梧桐一葉中含無限  
秋風

王安石

題西太乙宮壁

柳葉鳴蜩綠暗荷花落日紅酣三十六陂流水白頭相見





江南  
二十年前北地父兄持我東西今日重來白首欲尋舊跡  
都迷

蘇軾

僕所至未嘗出游過長蘆閻夫禪師病甚不可  
不一問既見則有間矣明日阻風復曾見之作  
三絕句呈閻復并請轉呈參寥子各賦數首  
亦知壺子不知敢問老聃所游瑟瑟寒松露骨耽耽老虎  
垂頭  
莫言西蜀萬里且到南華一遊扶病江邊送客杖屨浦口  
回頭

老去此生一訣與表明日重游卧閻三老白事半夜南風  
打頭

次韻子由書王晉卿畫山水

老去君空見畫夢中我亦曾遊挑花縱落誰見水到人間  
伏流

西太一見王荆公舊詩偶次其韻 二首

秋早川源淨麗而後風日清酣從此歸耕斲外何人送我  
池南  
但有樽中若下何須墓上征西閻道烏衣巷口而今烟草  
萋迷

和何長官六言次韻 五首



作邑君真伯厚去官我豈曼容一廬願託仁政六字難賡  
變風

五噫已出東洛三復願比南容舉道未從潘蓋草書猶似  
揚風

石渠何須反顧水澤幸足相容長江大欲見庇探支八月  
涼風

清風初踰地嶺明月自寫天容貧家何似娛客但知抹月  
批風

青山自是絕世無人誰與為容說向市朝公子何殊馬耳  
東風

劉景文家藏樂天身心問答三首戲書一絕其

後

淵明形神自我樂天身心相物而今月下三人他日當成  
幾佛

和黃魯直燒香

四句燒香偈子隨香徧滿東南不是閑思所及且令真觀  
先參

梅聖俞

過雁洲

船後雁洲北去雁背春風亦歸但見平沙綠水萋蒿荻筍  
方肥



陳去非

次韻何文鎮題顏持約畫水墨梅花

未央宮裡紅杏羯鼓三聲打開大庾巔頭梅萼管城呼上  
屏來

王履道

題顏持約畫四小景

梧山暮雪

一白空迷浩渺萬蒼却立屏顏北渚曾逢帝子南巡更憶  
虞繅

荔浦从陰

曾向荔茭浦宿林紅間碧猶疑老矣少文欲卧咄哉王贊  
何如

挂巔秋晴

海市當寒可出嶽雲正雨猶開故捲黃茅瘴盡為飛碧玉  
簪來

梅村欲曉

暗射霏霏逆鼻荒雞喔喔蒲村萬里客行膠慄玉顏破霧  
相溫

呂居仁

次韻錢遜叔清江圖後 二首



公但一室堅坐我方萬里生還共作十年清夢同尋五嶺  
名山

作清江三兩曲勝大厦千萬間若保此中安坐不必中原  
還還

周少隱

題徐季功畫墨梅水犀 二首

夜色無人能盡徐郎挽上寒枝彷彿孤山盡處黃昏月到  
花時

細雨欲催秋晚幽花已著寒枝似我江南九月西風馬上  
歸時

題徐季功畫二古水

千尺龍蛇天矯半山風雨憑陵誰為梅花賦手能回古水  
寒藤

何處千年雙幹未嫌雪壓風鬢楚士兩公冰潔孤竹二子  
清高

程叔易

題畫扇

萬里稻梁高興誰將出入君懷已訝天邊月上更疑蘋末  
風來

徐師川



次可師韻

五湖出盡師手一葉浮漁父家風裏芙蓉野色雨中鴻雁汀沙

再次韻題于生畫豹二首

耽酒豐城客子醉盡山崦人家他日營丘伯仲高名遠出長沙

彭蠡何恨秋雁此君胸次為家醉裏舉羣飛出著行排立平沙

黃庭堅

題山谷石牛河

司命無心播物祖師有記傳衣白雲橫而不度高鳥倦而猶飛

題蒲峯閣

徐老海棠泉上

注云徐陰樂道隱於藥肆中家有海棠王數株結菓其上時與客菓飲於其上

翁主薄峯菴

注云王道人恭禪四方歸結屋於其間問道梅蕊破顏

水雪緣叢不見黃柑

次韻公擇舅

昨夢黃梁半熟立談白壁一雙驚鹿要須野草鳴鷗本願秋江

次韻王荆公題西太乙宮壁

二首



風急啼鳥未了雨來戰蟻方酣真是真非安在人間北看  
城南

晚風池蓮香度晚日官槐影西白下長竿夢到青門紫曲  
塵迷

有懷半山老人再次韻 二首

短世風驚雨過成功夢迷酒酣草玄不妨准易論詩終近  
周南  
吸養不如放麩樂羊終愧巴西欲問老翁歸處帝口無路  
雲迷

有惠江南帳中香者戲贈 二首

百練香螺沈水寶薰近出江南一綫黃雲鏡几深禪想對  
同恭

螺甲割崑崙耳香材屑鷓鴣斑欲雨鳴鳩日永下帷睡鴨  
春寒

子瞻寄和復答

置酒太容虛左論詩時要指南迎笑天香滿袖喜公新起  
朝恭

迎燕溫風旋旋潤花小雨斑斑一炷烟中得意九衢塵裏  
偷閑

有閨帳中香以為齋蝎者戲用前韻 二首



海上有人逐臭天生鼻孔司南但印香嚴本寂不必叢林  
徧叅

我讀蔚宗香傳文章不減二班誤以甲為淺俗却知麝要  
防閑

次韻韓川奉祠西太乙宮四首

萬靈未對甘泉五福間祀迎年旂旗三遊半偃風馬雲車  
闐然

白旄下金神節青祝携御鑪香百礼盡修毫祀九歌不取  
沈湘

紫府侍臣鳴玉霜臺御史生風官燭論詩未了知秋自屬

梧桐

泰壇下瑞雲黃雨師灑道塵香便面猶承墜露金鉦半吐  
東牆

題鄭防畫夾五首

惠崇烟雨歸一作蘆雁坐我瀟湘洞庭欵喚一作賈扁舟歸去  
故一作傍人言是丹青或云蘇東坡詩又云無名氏禪髓詩今從本集

能作山川遠勢白頭唯有郭熙欲寫李成驟雨惜無六幅  
鵝溪

徐生脫水雙魚吹沫相看晚圖老矣箇中作計作書遠寄  
江湖



折葦枯荷共晚紅  
榴苦竹同時睡  
鷗不知飄雪寒  
雀四顧風枝

子母猿啼柳葉山  
南山北危機世故  
誰能擣里鼓中皆是  
由基

題劉將軍鶩

箭羽不露春水籀  
文時印平沙想見山陰書罷舉群驅向

王家

或云蘇東坡詩

寐住閣

自注陳留宿一瓚堂因書為寐住閣

莊周夢為蝴蝶  
蝴蝶不知莊周  
當處出生隨意  
急流水上不流

深明閣

象榻恒河徹底日  
行闊淨破冥若問  
深明宗旨風花時度  
窓櫺

次韻石七三首

從來不似一物妄  
欲貫穿九流骨硬非  
黃閣相眼青見白  
巖洲

生涯一九節節老  
翁五十六翁不堪上  
補黼黻但可歸教  
兒童

萬里草荒先壠六  
年蟲蠹羣經老喜寬  
恩放去心似驚波  
不停



為君試講古學此事可憐天公君看花梢朝露如何松上  
霜風

幽州已投斧柯崇山更用憂何早喜龔鄒冠身自注又閨

張董工坡自注民救逸

看著莊周枯槁化為蝴蝶翩輕人見穿花入柳誰知有體

無情

欲行水繞山圍但聞鷗化鵬飛女憂須髮盡白兄歎江船

未歸

贈高子勉四首

文章瑞世驚人學行剗心潤身沅江求九肋鼈荆州見一

角麟

張茂海內長句晁子廟中雅歌自注死答樂府於舍第一高郎少加筆力

我知三傑同科

妙在和光同塵事須鉤深入神聽它下虎口著我不為牛

後人

拾遺句中有眼彭澤意在無絃顧我今六十老付公以二

百年

再用前韻贈子勉四首

胸中有度擇人事上無心活身只麼親情魚鳥儻然圖畫

麒麟



行要爭光日月詩須皆可絃歌着鞭莫落人後百年風轉

蓬科

句法俊逸清新詞源廣大精神建安才六七子開元數兩

三人

醉鄉閑處日月鳥語花中管絃有興勤來把酒與君端欲

忘年

荆南僉判向和卿用予六言見惠次韻奉酬

四首

仕官初不因人富貴方來逼身要是出羣拔萃乃成威鳳

群麟

向侯賦我菁莪何敢當不數歌顧我乃山林士看君取將

相科

覆却萬方無準安排一字有神更能知詩家病方是我眼

中人

寬句真成小技知音定須絕絃景公有馬千駟伯夷並名

萬年

蟻蝶圖

蝴蝶雙飛得意偶然畢命羅網群蟻爭收墜翼策勳歸去

南柯

謝人送粟鼠尾畫維摩

二首注云謝汝藏之

豹尾珍材可筆虎頭墨妙疑神頗知君塵外物真是我眼

中人



丹青貌金粟影毛物宜管城公只今為君落筆他日聽我

一談注云或作畫  
因見金粟佛

向子諲

無題

早為山谷印可晚陪帝所清閑筆力休論扛鼎神功更解  
移山

向日家居道士今朝碧落仙鄉胸次山高水遠筆端雲起  
風狂

孫覲

清明別墅小集

兀兀三杯卯困昏昏一枕春融酒醒落花風裏夢回啼鳥

聲中

文同

鷺鷥

避雨竹間點點迎風柳下翩翩靜標寒蓼如畫獨立晴沙  
可憐

再贈鷺鷥

頸若瓊鉤淺曲散如碧管深翹湖上水禽無數其誰似汝  
風標

鶴

常惡靜時鳧鷖不驚飽處鰕魚與我閒丘相似問汝樂復  
何如



靜觀

十許紋魚遊水一雙花鴨眠沙靜觀只恐□□無語憑欄  
日斜

今時

跋太白醉草

雖自九天分派不與萬壑同林步處雷驚電繞空餘翰墨  
窺尋

朱子

鉛山立春

雪擁山腰洞口春迴楚尾吳頭欲問闌天何處明朝嶺水  
南流

行盡風林雪徑依然水館山村却是春風有脚今朝先到  
柴門

尤袤

題米元暉瀟湘圖

萬里江天杳靄一村烟樹微茫只欠孤篷聽雨恍如身在  
瀟湘

淡淡曉山橫霧茫茫遠水平沙安得綠蓑青笠往來泛宅  
浮家

楊萬里

看筍



蜀如滕薛爭長竹似夷齊獨清只愛錦棚滿地口林忽兩  
三莖

農家

插秧已蓋田面踈苗猶逗水光白鷗飛處極浦黃犢歸時  
夕陽

無題

青白不形眼底雌黃不出口中只有一罪不放唐突明月  
清風

范成大

荊公墓

二首

百歲誰人巧拙一丘底處虧成半世青苗法意當年雪竹  
詩情

本意治功徒水何心黨口揚塵教讐豈教行劫作俑翻成  
害仁

題如夢堂壁

勃姑午啼喚雨鴨鳩曉嘯留春片雲不載歸夢兩鬢全供  
客塵

曉起

簾額繡波蕩漾燭盤紅淚闌干夢裏五更風急愁邊一半  
春殘



再遊上方

僧共老花俱在客將春雁同  
迴范叔一寒如此劉郎前度  
曾來

題畫卷

秋晚黃廬斷岸江南野水連天  
月色微明魚網雁行飛入  
蒼烟

劇暑

赫赫炎官張傘□□赤帝騎龍安得雷轟九地會令雨起  
千峯

滿牧馬山勝果寺

佛燈已暗還吐旒枕纔安却驚月色看成曉色溪聲聽作  
松聲

從聖集乞黃巖魚鮓

截玉凝膏膩白點酥粘粟輕紅千里來從何處想見怕浪  
帆風

冬紀太乙四首

三一舊傳神呪十神今濟時艱願挽靈旗北指為君直擣  
陰山  
月色朧明碧瓦爍烟浮動黃簾罨騎聽輪欵下一天飛霰  
鐵絨



雲水栖鳥未動風庭警鶴先鳴殘夜百靈風駕人間真息

雷驚

行道羽衣縹緲捲班玉珮冷龍回首金鋪獸面步虛聲在

天風

雪後

雨聲和深更履風力到短檠燈可惜滴殘檐雪後教漂盡

河水

歲寒破屋萬卷風急疎窓一燈高卧眼生醉顛遠遊鬢有

堅冰

再雪

銀竹方依檐住瑤花又入簾窺一白本憐麥瘦重來應為  
梅遲

次韻舉老見嘲未歸石湖

半世吟客舍柳長年憶後園花為報廬山莫笑雲丘今屬  
誰家

二偈呈似壽老

法法刹那無住云何見在去來若覓三心不見便從不見  
亦開

孟說所過者化莊云相代乎前何處安身立命飢餐渴飲  
困眠



甲辰人日病中吟以自嘲

攢眉輒作山字啾耳誰問水聲人應見憐人病我亦自厭  
餘生

目慌慌蟻旋磨頭岑岑鰲負山羊牀已久均伏藥鼎何時  
了問

政爾榮枯得澁剛云人厄天窮歸咎四衝臨歲乞憐九曜  
過宮

復吉既愆七日泰來惟候三陽曆日今領寅正占星更候  
農祥

有日猶嫌開陽無風不敢上簾報國丹心何似夢中抵掌

掀髯

壯歲喜新節物老來惜舊年華病後都盧不問家人時換

瓶花

正月九日雪霽後大雨 二首

夜霰三更碎瓦畫冥一陣翻盆賴是梅花已過不然總玉

誰溫

黃昏簷溜垂瀑清曉夜聲滿門湖光萬頃何似小沼先吹  
穀紋

正月十日夜大雷震 二首

阿香真是健婦夜半鼓行疾驅直恐南山破碎絕憐窓紙



枝梧

人言有物司鼓春到揚桴發聲偶要蟄蟲啓戶何須一許

震驚

曉枕 三首

煮湯聽成萬籟添被知是五更陸續滿城鐘動須臾後巷

雞鳴

卧閣赤脚鼻息樂哉栩栩蘧蘧病夫心口相語何日佳眠

似渠

舒慘常一作卷長隨天氣關心忘暗忘明日晏扶頭未起喚人

先問陰一作春

不寐

春宵似暖非暖曉夢欲成未成風竹時驚雀噪月窓誰伴  
梅橫

園丁折花七品各賦一絕

單葉御衣黃

舟前鷺羽映酒塞上馳酥截肪春工若與多葉應入姚家

雁行

水精鍊輕盈嫵媚不耐風日自注又名醉西施又名風嬌又

名玉勝瓊

縹緲醉魂夢物嬌燒輕素輕紅若非風細日薄直恐雲消



雪融

壽安紅深色粉紅多葉易種且耐久

豐肌弱骨自喜醉暈粧紅終宜獨立風前雨裏嫣然不要人持

疊羅紅開遲旬日

襲積剪裁千疊深藏愛惜孤芳若要韶華展盡東風細雨商量

崇寧紅

勻淡十分艷絕當年歌占春風曉起粧光沁粉晚來醉面潮紅

鞞紅

猩唇鶴頂太赤柳華梅腮弄黃帶顏一般宮樣祗愁瘦損東陽

紫中貴

沈沈色與露滴泥香隨日烘滿眼艷粧紅袖紫綃終是仙風

苦雨 五首

河流滿滿更滿簷滴垂垂更垂皇天寧有漏處后土豈無乾時

不辭蛾化麥穗叵忍秋浮浪花兒孫汨汰護岸翁媪扶攜



上車

折筍肥梅釘坐涎  
蝸閣蟻上梁  
雨黃莫賈餘勇  
留待稻花半黃

潤礎終晴又污濕  
薪未爆光煙  
壯夫往往言病  
病叟岑岑且眠

已厭衣裳蒸潤仍  
憐書畫爛班  
奩香尚餘幾所  
盡付熏爐博山

夏至 二首

李揆無腰祝饘粽  
絲繫臂扶羸  
節物競隨鄉俗  
老翁間伴兒嬉

石鼎聲中朝暮紙  
窓影下寒溫  
踰年不與廟祭  
敢云孝子慈孫

積雨成寒 五首

壓屋雨雲晝暗環  
城霖潦夏寒  
西池半沒荷柄  
南蕩平沈炎盤

已報舟浮登岸更  
憐橋塌平池  
養成蛙吹無謂  
埽盡蚊雷却奇

殿帖重尋彘納補  
苴盡護紙窓  
餘生雪鬢禪榻  
昨夢雲帆漲江

婢喜蚊僵霧帳兒  
嗔蝎篆風檣  
兀坐鼻端正白  
忘懷眼底



常青

山寒禪老不下泥滑琴僧罕來且喚園丁問語喜閱湖岸

未顏

自注禪者乾點堂  
琴僧淨月師也

喜晴二首

驅帚水爭溝口卷簾日款屋山飢燕癡兒叫怒拙鳩去婦

復還

窓開梅熟落蒂林下筍成出林連雨不知春去一晴方覺

夏深

題請息齋十首

洞門畫掛鉄鎖閣道秋生綠苔暮下略同龜伏瓜中且免

蠅來

多謝紛紛雲雨相忘渺渺江湖坐隅但忌占鵬屋上何煩

譽烏

灑瀨年年似馬太行日日摧車笑中恐有義甫泣裏難訪

牀魚

見影蛾猶鈇鈇閉聲雁尚狺狺問誰毛生名紙知我角出

車輪

不惜人扶難拜非關我醉欲眠勞君敬枯木耳恐汝見濕

灰焉

稅駕今吾將老結廬此地不喧恐妨蝴蝶同夢笑倩顛當



守門

口邊一任醜去真孔慵將涕收  
 閤門冷落車轍空室團藥  
 話頭  
 冷暖舊雨今雨是非一波萬波  
 壁下禪口達摩室中病著  
 維摩  
 親戚自有情話來往都無雜言  
 酒熟徑須相報文成聊與  
 細論  
 園丁以時白事山客終日相陪  
 竹比平安報到花依次芳  
 折來

久病或勸勉強遊適吟四絕答之

風月箇中老子江湖之上散人化  
 鑪苦靳清福環堵閑拋  
 好春

鶴怨人迎俗駕鷗盟誰主載書一  
 丘一壑謝汝三歲三秋  
 望予

桐蟲即是忙事驅蠅豈非褊心香  
 煖香寒功課窓明窓暗  
 光陰

羸如蓍婦多忌倦作田翁作勞玩  
 具僧梳別履歡惊丁尾  
 龜毛

初秋間記園池草水 五首

葦葵爛紫終陋蒼菊  
 嫣黃亦香醫俗賸延竹色  
 療態催折



萱房

牛牽碧蔓自繞雞聲朱冠欲爭菱葩可範伯雅蓼節偏宜

麴生自注菱葩為酒杯榭最佳蓼入麴為勝

旱池蓮花嬌小水盆扼子幽芳薇帳半年春艷桂叢四季

秋香自注紫薇一名半年紅品桂一種四季有花

醉憐金垓齊側卧看玉簪對橫脰水留灌末利結香旋薰

素馨自注末利用治魚脰水洩方多花

玉齒化生稚子碧枝視現聲聞馬齒任藏汞冷鴻頭自勝

疏溫自注謂狹兒蓮羅漢水馬齒莧中有水銀鴻頭芡實也芡性暖予水疏黃

雪復大作四首

奇寒擁被曉枕噩夢披裝晚江遙想漫天匝地近聽穿幔

鳴窓

釀成送臘三白功在迎年九秋樵指擔肩相賀飯囊酒甕

何憂

初報拆篁捨地旋閃壓柳堆橋寧教風過掀舞可惜雨來

半銷

伶俜凍雀蹲晚噤滲疎梅鎖春有客典衣沽酒何人增價

賣薪

立春自注乙巳

絲勝金幡夢裏茶槽藥杵聲中索莫雨年春車小窓卧聽



東風

題黃居寀雀竹圖

二首居寀筮之子

群雀歲寒保聚雨鷦日晏忘歸草間豈無餘粒刮地風蹄  
雪飛

蔓花露下凝碧叢竹秋來老蒼噪雀群爭何事么禽自轉  
清篔

寄題筠州錢有文明府新昌小道院

忠孝平生心學敏明隨處民功江左幕中荒政江西縣裏  
仁風

勿云私淑小邑可以匹休大邦健筆誰能後賦向來江夏

無雙

乙巳十月朔開爐 三首

石湖今日開爐紙窓銀白新糊童子燒紅搯拙老翁醉煖  
纒綸

石湖今日開爐兩壁仍安畫圖萬事篆烟曲几百年龜納  
團蒲

石湖今日開爐俗家恰似精廬收淚雖無情緒吟詩却有  
工夫

有歎 二首

春秋蘭菊殊調南北馬牛異方心醉井蛙海若眼空鵬海



鳩枋

貧富交情乃見矣涼歲序方成越秦本異肥瘠魯衛何曾弟兄

苦寒

簷冰低挂闌角隙雪斜侵坐隅春後一寒如此梅花有信

來無

或勸病中不寫數親文墨醫亦歸谷題四絕以

自戒末篇又以解嘲

作字腕中百斛吟詩天外片心習氣吹劍一吹病軀無堂

千金

意馬城中汗血隙駒影裏心灰古蠲筆墨安用付與蛛絲

壁煤

詩成徒能泣鬼博塞未必亡羊剛將妄言綺語認作錦心

繡腸

師燔尚合餘燼羹熱休吹冷羹解醒縱無五斗且復月攘

一鷄

書事

爨婢請陶酒米園丁催算花錢如許日生公事誰云窮巷

蕭然

日日處方候歇時時推筴襍災門外雖無車轍醫生卜叟



猶來  
簡子約同湖棹周郎許過田廬碧雲日暮空合多病故人  
遂疎

自箴

有對易成吟域無情那有從違癡人妄認逆境平地自坐  
鐵圍  
白傳病猶牽愛晁公老未漸嗔莫問是情是性但參無我  
無人  
俗物汨陳大好家奴倒迤何誅泡幻初無典要光陰况已  
桑榆

枕上

寒更寐歷向曉短夢參差屢驚雞鳴似喚我醒犬吠知有  
人行

寄題林景思雪巢 三首

大池九水徹底小巢四壁俱空只有梅花同調雪中無限  
春風

何處溫泉火井誰家熊席狐裘堂燕後番炎熱冰蠶一繭  
綢繆

萬境人蹤盡絕百圍天籟都沈惟餘冷淡生活時復撚髭  
凍吟



無題

柳下白頭釣叟不知生長何年前度君王遊幸賣魚收得  
金錢

張昌

遊真源宮

漠漠山雲閣雨離離澗草搖風看處行穿空翠不妨小駐  
孤筇

水末輕風索索雲邊小雨斑斑行盡丹霞林樾皖山下看  
瀟山

曾如驥

題考功印紙

謹將節義二字結果印紙一宗了卻神遊何處澄江明月  
清風

康與之

無題

天涯芳草盡綠路傍柳絮爭飛啼鳥一聲春曉落花滿地  
人歸

蘇序

賦王文孺臞菴

笛弄松江明月簾披笠澤歸雲若道青霄快活五侯何處



如君

陸游

舍北閣望

潘岳一篇秋興李成八幅寒林舍北偶然倚杖盡是古人  
用心

雜興

舉足如劉公腹引手持孫郎鬚士氣日趨委靡賴有二君  
掃除

唐平作梅花賦少陵魚海棠詩正自一時偶爾俗人平地  
生疑

瘦馬羸僮道路清泉白石山林常得有衣換酒不愁無法

燒金

豪士以妾換馬畊農賣劍買牛我看浮雲似夢却貪山水

間遊

風細飛花相逐林深啼鳥移時客至旋開新茗僧歸未拾

殘棋

夏日

退士自應容少幽居不厭椽低未說盤托玉膾且看白鴛

金盞

醉面貪承夕露釣竿喜近秋風借問歸舟何處深入芙蓉



浦中

溪漲清風拂面月落繁星滿天數雙船橫浦口一聲角起  
山前

我是百年遺老掃空一夢浮名未到終南二華且入天台  
四明

無題

滿帽秋風入剡半帆寒日游吳問子行裝何在帶間笑指  
葫蘆

不慕生為柱國何須死向揚州但願此身無病天台剡縣  
間遊

楊簡

無題

淨几橫琴曉寒梅花落在絃間我欲清吟無句轉煩門外  
青山

陸九淵

子規

柳院竹亭茅店雲蕪風樹烟溪聽徹殘陽月下不論巴蜀  
東西

葉撻

三里塘拍梅



扶疎不耐繁華意足自然清絕壁間幻出橫斜紙欠紗窓  
明月

黃復之

題扇面

峽東天圍漸小林穿日脚微明竹居有徑誰掃水碓無人  
自鳴

朱繼芳

無題

柳下白頭釣叟不知生長何年前度君王遊幸賣魚收得  
金錢

周弼

除夕思歸

山妻書到多日野渡舟橫後回想見溪邊亭上故人待我  
銜杯

湯漢

自做

春秋責備賢者造物計枝好人一點莫留餘澤十分成就  
全身

羅椅

吳江雪霽回



天上清流雪片人間名勝吳淞兩賢相厄已甚賴得斜陽  
半峯

劉辰翁

春歸

留春一日不可種樹十年未成芳草斷腸花落綠窓攜手  
鶯聲

汪薦

演雅

布穀不稼不穡巧婦無褐無衣提壺不可挹酒絡緯匪來  
質絲

錢端禮

題米元暉瀟湘圖

畫手自高前輩雲山已屬吾曹若會瀟湘物色便合醉讀  
離騷

洪芻

魚題

槐下棗花纂纂麥秋萁子離離不沽十千美酒難消三百  
枯碁  
兩部池蛙當妓千山飛鳥催沽引睡直須黃嬾曲肱正要  
青奴



陣子高

暮春迴文

纖纖草亂平灘丹丹雲歸遠山簾捲深堂日永烏啼花落  
春殘

馬雙峯

次韻

纖毛白鷺前灘窈陰青松遠山簾隔花飛弄影滿地鋪落  
紅殘

曾吉甫

咏荔枝

蕉子定成噲伍梅九應愧盧前金谷危樓魂斷白州舊井  
名傳

紅皺解羅襦處清香開玉肌時繡嶺堪憐妃子苧蘿不數  
西施

白玉蟾

冬日儼居

回首青鸞何處長空萬里蒼烟中酒梅花月夜懷人松籟  
霜天

春日偶成

柳葉枝枝弄碧花梢點點粘紅尚有幾分春色還我一半



東風

陳普

野步

黃犢眠中荒草鷺鷥立處枯荷官梅風濤舟楫故山烟雨  
松蘿

紅葉林風颯颯蒼苔徑雨斑斑人跡石邊流水樵歌鳥外  
青山

呂洞賓

題靈石屋山

南塢數田泉石西峯幾疊烟雲登攜孰以為侶顏高李甲

蕭耘

無名氏

火炮

疊疊重重包裹中間一點赤心威聲能震天地奈何不知  
保身

無名氏 羅浮山中容

題壁

雲意不知滄海春光欲上翠微人間一墮千劫猶愛梅花  
未歸

無名氏



無題

宋詩紀事曰閩清野人嘲趙師異詩六言詩集云央大學生嘲師異詩

堪嘆明庭鴛鴦甘作村莊犬雞一日冰山失勢湯鑊鑊

刀割

無名氏

無題 亦嘲趙師異詩

侍郎自彌東墻曾學犬吠村莊今日不須搖尾且向土洞深藏

無名氏

無題

六言詩集曰東坡少時夢召入禁中一宮人引行見風吹裙帶在傍上有詩云云蓋本集亦不載

百疊漪漪水皺六珠纒纒雲輕植立含風廣殿微闥環佩搖聲

無名氏

無題

蔣疑賦止四句邠老詩無全草了顯花鈿滿面不及徐妃半裝

釋祖可

書性之所藏伯時水石屏

此自是我輩物而乃落君家房尚喜周旋顧眄無憂犂角風霜



淡籠從煙雨色老搖牙霜霰痕想見湘岑落水霧連江月

昏昏  
胸中定自有此筆端乃一見之推却我天柱來成咫尺

我婿  
書余逢時所作山水

江勢卷十萬頃村壑掩三四家落雁驚橫烟水小舟款着

寒沙  
折葦非關秋色飛鷗乞自斜行坐上忽驚丘壑窻閣那有  
瀟湘

釋惠璉

別趙莘老

十里青山照眼一蓬疎雨催詩記取江邊作別烟村梅子  
黃時

釋船子

上無片瓦遮頭下無立錫之地千里萬里同遊風雨安能  
穩睡







